

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-23136-1/14.  
Zenica, 04.12.2014. godine

**Z A P I S N I K**

**sa 193. sjednice Vlade Zeničko-dobojskog kantona održane 26.11.2014. godine**

Sjednica je održana u sali 109, prvi sprat u zgradi Kantona, dana 26.11.2014. godine u trajanju od 10<sup>10</sup> do 11<sup>50</sup> sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu,
  2. Bojan Bošnjak, ministar Ministarstva za poljoprivredu, šumarstvo i vodoprivredu,
  3. Sabina Heljić, ministrica Ministarstva finansija,
  4. Ivica Ćurić, ministar Ministarstva za rad, socijalnu politiku i izbjeglice,
  5. Mirko Trifunović, ministar Ministarstva za obrazovanje, nauku, kulturu i sport
  6. Senka Balorda, ministrica Ministarstva zdravstva,
  7. Edin Terzić, ministar Ministarstva za prostorno uređenje, promet i komunikacije i zaštitu okoline,
  8. Nedžad Lokmić, ministar Ministarstva za boračka pitanja.
- kao i:
1. Berjana Ačkar, sekretar Vlade,
  2. Mirsad Kadić, sekretar Sekretarijata za zakonodavstvo,
  3. Alma Hrnjić, zapisničar.

Opravdano odsutan:

1. Rifat Delić, ministar Ministarstva unutrašnjih poslova,

Premijer je stavio na diskusiju predloženi

**D N E V N I R E D :**

1. Verifikacija Zapisnika sa 192. sjednice Vlade Zeničko-dobojskog kantona, održane dana 19.11.2014. godine;
2. Prijedlog Odluke o utvrđivanju osnovice za obračun plaće zaposlenika u kantonalnim organima državne službe i drugim budžetskim korisnicima Zeničko-dobojskog kantona za mjesec decembar 2014. godine;
3. Prijedlog Zaključka o Inicijativi zastupnika Meldine Ugarak, broj: 01-02-14827/14., od 23.07.2014. godine, vezane za donošenje Zakona o izmjenama i dopunama Zakona o osnovnoj školi u dijelu koji se odnosi na učenike-djecu sa poteškoćama u razvoju;

4. Prijedlog Odluke o nadoknadi nastavnih dana koji nisu realizirani u školskoj 2014/2015 godini, zbog posljedica elementarnih nepogoda;
5. Prijedlog Odluke kojim se odobrava uvećanje sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za obrazovanje, nauku, kulturu i sport – JU OŠ „1. mart“ Jelah, općina Tešanj;
6. Prijedlog Rješenja o razrješenju i konačnom imenovanju novog člana Školskog odbora iz reda Vijeća roditelja Gimnazije „Rizah Odžečkić“, Zavidovići;
7. Prijedlog Zaključka o odobravanju sredstva Društvu Pedagoga fizičke kulture iz Zenice za organizaciju manifestacije Predškolske sportske igre Zeničko-dobojskog kantona u sklopu obilježavanja Dana državnosti BiH;
8. Prijedlog Zaključka o odobravanju sredstva Sportskom društvu slijepih i slabovidnih lica Zeničko-dobojskog kantona iz Zenice za organizaciju turnira u šahu povodom obilježavanja Dana osoba sa invaliditetima;
9. Prijedlog Odluke o izmjeni i dopuni Odluke o prijenosu okončanih projekata iz Programa kapitalnih ulaganja u vodoprivredne objekte za 2008. godinu, broj: 02-14-26806/13 („Službene novine Zeničko-dobojskog kantona“, broj: 01/14 od 30.01.2014);
10. Prijedlog Odluke o izmjeni i dopuni Odluke o prijenosu okončanih projekata iz Programa kapitalnih ulaganja u vodoprivredne objekte za 2008. godinu broj: 02-14-26807/13 („Službene novine Zeničko-dobojskog kantona“, broj: 01/14 od 30.01.2014);
11. Prijedlog Zaključka o odobravanju sredstava uzgajivačima sa područja Zeničko-dobojskog kantona na ime podrške za držanje pčelinjih zajednica;
12. Prijedlog Zaključka o odobravanju isplata otkupljivaču „Frutti-funghi“ export-import d.o.o. iz Visokog na ime isplate poticaja za otkup nekultivisanih šumskih plodova, bobičastog voća i nekultivisanih gljiva;
13. Prijedlog Zaključka o odobravanju isplate proizvođačima borovnice sa područja Zeničko-dobojskog kantona na ime isplate poticaja za proizvodnju borovnica;
14. Mišljenje Ministarstva za rad, socijalnu politiku i izbjeglice o Inicijativi poslanice u Skupštini Zeničko-dobojskog kantona Meldine Ugarak, vezana za Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07 i 13/11) sa Prijedlogom Zaključka.
15. Prijedlog Zaključka o odobravanju Regionalnoj ekonomskoj zajednici REZ d.o.o. Zenica sredstva za sufinansiranje projekta „Stručno osposobljavanje, priprema za rad i zapošljavanje obučara za potrebe Company D&U d.o.o. Visoko;
16. Izvještaj o realizaciji Javnog poziva za prikupljanje zahtjeva za odobravanje i dodjelu finansijskih sredstava iz Federalnog fonda - pomoći namijenjenih saniranju dijela direktnih šteta od poplava sa Prijedlogom Zaključka o usvajanju;
17. Prijedlog Zaključka o odobravanju finansijskih sredstava Udruženju građana dijabetičara Zeničko-dobojskog kantona na ime finansijske pomoći za pokriće troškova redovnih aktivnosti;
18. Upoznavanje članova Vlade sa aktom;
  - NSS radnika zaposlenih u zdravstvu BiH OO JU Kantonalna bolnica Zenica od 17.11.2014. godine.

Članovi Vlade su se usaglasili sa predloženim te je za sjednicu jednoglasno usvojen isti.

#### **Prva tačka dnevnog reda**

Vlada je jednoglasno verificirala zapisnik sa 192. sjednice Vlade Zeničko-dobojskog kantona, održane dana 19.11.2014. godine;

#### **Druga tačka dnevnog reda**

Vlada je jednoglasno donijela Odluku o utvrđivanju visine osnovice za obračun plaće zaposlenika u kantonalnim organima državne službe i drugim budžetskim korisnicima Zeničko-dobojskog kantona za mjesec decembar 2014. godine

Visina osnovice za obračun plaće (u daljem tekstu: osnovica) zaposlenika u kantonalnim organima državne službe i drugim budžetskim korisnicima Zeničko-dobojskog kantona za mjesec decembar 2014. godine, utvrđuje se u iznosu od 432,00 KM (slovima: četiristotinetridedesetdvije konvertibilne marke), što uvećano za korektivni koeficijent od 1,05263, iznosi 454,73616 KM.

Osnovica iz člana 1. ove odluke ne odnosi se na sudije, tužioce i stručne saradnike iz člana 4. Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije Bosne i Hercegovine“, broj: 72/05, 22/09 i 55/13).

Za realizaciju ove odluke zadužuje se Ministarstvo finansija Zeničko-dobojskog kantona.

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.12.2014. godine.

### **Treća tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona i sekretar Vlade.

Vlada je jednoglasno donijela Zaključak kojim je Inicijativa zastupnika Meldine Ugarak, broj: 01-02-14827/14., od 23.07.2014. godine, vezana za donošenje Zakona o izmjenama i dopunama Zakona o osnovnoj školi, („Službene novine Zeničko-dobojskog kantona, broj: 05/04, 20/07, 8/11 i 4/14), u dijelu koji se odnosi na učenike-djecu sa poteškoćama u razvoju, nije prihvatljiva iz razloga nevedenih u mišljenju Ministarstva za obrazovanje, nauku, kulturu i sport. Zaključak se upućuje u daljnju skupštinsku proceduru. Zaključak stupa na snagu danom donošenja.

### **Četvrta tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji je učestvovao Premijer Zeničko-dobojskog kantona.

Vlada je jednoglasno donijela Odluku o nadoknadi nastavnih dana koji nisu realizovani u školskoj 2014/2015. godini zbog posljedica elementarnih nepogoda na području Zeničko-dobojskog kantona

- (1) Ovom odlukom utvrđuje se način nadoknade nastavnih dana koji nisu realizovani u školskoj 2014/2015. godini zbog posljedica elementarnih nepogoda na području Zeničko-dobojskog kantona, i to u sljedećim terminima:
  - a) Period od 29.12.2014. godine do 31.12.2014.godine-blok sati - 6 nastavnih dana;
  - b) Period od 12.01.2015. godine do 16.01.2015.godine-blok sati -10 nastavnih dana;
  - c) U dane 07.03.2015.godine(subota) i 24.04. 2015. godine(petak), kao blok sati-4 nastavna dana;
  - d) Period od 15.06.2015.godine do 19.06.2015.godine- blok sati-10 nastavnih dana, odnosno do realizacije 175 nastavnih dana ;
- (2) Nastava će se realizirati u trajanju od (60) minuta, kao blok sati i blok nastavni dani.
- (3) Raspored nastavnih dana koji se nadoknađuju će utvrditi Aktiv direktora osnovnih i srednjih škola na nivou općine, odnosno menadžmenti škola.
- (4) Ovim modelom nadoknade će se realizirati 175 nastavnih dana.
- (5) Na isti način će biti dogovoreni načini nadoknade nastave za sve učenike navedenih osnovnih i srednjih škola na području svih općina, u kojima su škole bile objektivno spriječene da realizuju nastavu zbog nastalih posljedica stanja prirodne i druge nesreće.

Zadužuje se Ministarstvo za obrazovanje, nauku, kulturu i sport da u saradnji sa aktivima direktora osnovnih i srednjih škola na području općina u cjelosti realizuju ovu odluku, svako u okvirima svojih nadležnosti.

Odluka stupa na snagu danom donošenja i objaviti će se u „Službenim novinama Zeničko-dobojskog kantona“.

### **Peta tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2014. godinu.

(1) Odobrava se uvećanje sredstava u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13) za budžetskog korisnika iz nadležnosti Ministarstva za obrazovanje, nauku, kulturu i sport – JU OŠ „1. mart“ Jelah, općina Tešanj.

(2) Uvećanje sredstava u Budžetu Zeničko-dobojskog kantona za 2014. godinu, vrši se na slijedeći način:

a) na razdjelu 22, budžetska organizacija 02, potrošačka jedinica 0020 – JU OŠ „1. mart“ Jelah, općina Tešanj, sredstva na poziciji 611100 – Bruto plaće i naknade, Plan izdaci iz donacija 2014. godina, uvećavaju se za 42.780,00 KM;

b) na razdjelu 22, budžetska organizacija 02, potrošačka jedinica 0020 – JU OŠ „1. mart“ Jelah, općina Tešanj, sredstva na poziciji 611200 – Naknade troškova zaposlenih, Plan izdaci iz donacija 2014. godina, uvećavaju se za 13.878,00 KM;

c) na razdjelu 22, budžetska organizacija 02, potrošačka jedinica 0020 – JU OŠ „1. mart“ Jelah, općina Tešanj, sredstva na poziciji 612000 – Doprinosi poslodavca i ostali doprinosi, Plan izdaci iz donacija 2014. godina, uvećavaju se za 4.499,00 KM;

d) u Budžetu Zeničko-dobojskog kantona za 2014. godinu u dijelu A. PRIHODI u koloni Plan 2014. godina, sredstva na poziciji 732112 – Priljeni tekući transferi od Federacije, uvećavaju se za 61.157,00 KM.

(1) Uplaćena sredstva od strane Federalnog ministarstva obrazovanja i nauke Mostar, škola će utrošiti za organizaciju intruktivne nastave u Vrbanjcima, općina Kotor Varoš.

(2) Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

### **Šesta tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Rješenje o razrješenju i konačnom imenovanju novog člana Školskog odbora iz reda Vijeća roditelja Gimnazije „Rizah Odžečkić“, Zavidovići

Razrješava se članstva u Školskom odboru Gimnazije „Rizah Odžečkić“, Zavidovići:

- Šarić Jasmin – član, iz reda roditelja.

Imenuje se član Školskog odbora Gimnazije „Rizah Odžečkić“, Zavidovići:

- Mujić Mirsada – član, iz reda roditelja.

Član Školskog odbora iz tačke II ovog rješenja imenuju se do isteka mandata Školskog odbora Gimnazije „Rizah Odžečkić“, Zavidovići.

Rješenje stupa na snagu danom donošenja, a bit će objavljeno u „Službenim novinama Zeničko – dobojskog kantona“.

### **Sedma tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se odobravaju sredstva Društvu Pedagoga fizičke kulture iz Zenice u iznosu od 1500,00 KM (hiljadupetsto konvertibilnih maraka) za

organizaciju manifestacije Predškolske sportske igre Zeničko-dobojskog kantona koja se realizuje u sklopu obilježavanja Dana državnosti BiH.

Odobrena sredstva isplatiti po osnovu Budžeta Zeničko-dobojskog kantona za 2014. godinu, sa razdjela 22, Ministarstvo za obrazovanje, nauku, kulturu i sport, budžetska organizacija 01, potrošačka jedinica 001, ekonomski kod 614300, subanalitika MAX 002 pozicija „Transfer za sport“.

Sredstva uplatiti na račun Društva pedagoga fizičke kulture Zenica, broj: 134-010-0000113028

Zadužuju se Ministarstvo za obrazovanje, nauku, kulturu i sport i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Korisnik sredstava je dužan resornom ministarstvu najkasnije tri mjeseca po primitku sredstava dostaviti izvještaj o namjenskom utrošku sredstava. Zaključak stupa na snagu danom donošenja.

### **Osma tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se odobravaju sredstva Sportskom društvu slijepih i slabovidnih lica Zeničko-dobojskog kantona iz Zenice u iznosu od 800,00 KM (osamsto konvertibilnih maraka) za organizaciju turnira u šahu povodom obilježavanja Dana osoba sa invaliditetima.

Odobrena sredstva isplatiti po osnovu Budžeta Zeničko-dobojskog kantona za 2014. godinu, sa razdjela 22, Ministarstvo za obrazovanje, nauku, kulturu i sport, budžetska organizacija 01, potrošačka jedinica 001, ekonomski kod 614300, subanalitika MAX 002 pozicija „Transfer za sport“.

Sredstva uplatiti na račun Sportskog društva slijepih i slabovidnih lica Zeničko-dobojskog kantona, broj: 134-010-0000263572

Zadužuju se Ministarstvo za obrazovanje, nauku, kulturu i sport i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Korisnik sredstava je dužan resornom ministarstvu najkasnije tri mjeseca po primitku sredstava dostaviti izvještaj o namjenskom utrošku sredstava. Zaključak stupa na snagu danom donošenja.

### **Deveta tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona i ministrica Ministarstva finansija.

Vlada je jednoglasno donijela Odluku o izmjeni i dopuni Odluke o prijenosu okončanih projekata iz Programa kapitalnih ulaganja u vodoprivredne objekte za 2008. godinu („Službene novine Zeničko-dobojskog kantona“, broj: 01/14 od 30.01.2014)

U Odluci o prijenosu okončanih projekata iz Programa kapitalnih ulaganja u vodoprivredne objekte za 2008. godinu, broj: 02-14-26806/13 od 11.12.2013. godine, u članu 1. (Predmet Odluke) iznos od „95.253,90 KM“, mijenja se „iznosom od 133.427,35 KM“.

U stavu 2. člana 2. Odluke o prijenosu okončanih projekata iz Programa kapitalnih ulaganja u vodoprivredne objekte za 2008. godinu, broj: 02-14-26806/13 od 11.12.2013. godine, dodaje se alineja 2. i ista glasi: -„Izgradnja vodovoda u MZ Radunice, općina Žepče, u iznosu od 38.173,45 KM“.

Implementator općina Žepče dužna je provesti sve aktivnosti preuzimanja okončanog projekta iz 2008. godine sa pravom uknjižbe u knjigovodstvenu evidenciju, te pristupiti daljem upravljanju i održavanju navedenog projekta iz člana 2. ove Odluke.

Zadužuje se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima, realizuju predmetnu Odluku svako u okviru svoje nadležnosti.

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

#### **10. tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Diskutovala je sekretar Vlade.

Vlada je jednoglasno donijela Odluku o izmjenama Odluke o prijenosu okončanih projekata iz Programa kapitalnih ulaganja u vodoprivredne objekte za 2008. godinu („Službene novine Zeničko-dobojskog kantona“, broj: 01/14 od 30.01.2014)

U Odluci o prijenosu okončanih projekata iz Programa kapitalnih ulaganja u vodoprivredne objekte za 2008. godinu, broj: 02-14-26807/13 od 11.12.2013. godine, u članu 1. (Predmet Odluke) iznos od „203.773,63 KM“, mijenja se „iznosom od 165.600,18 KM“.

U stavu 2. člana 2. Odluke o prijenosu okončanih projekata iz Programa kapitalnih ulaganja u vodoprivredne objekte za 2008. godinu, broj: 02-14-26807/13 od 11.12.2013. godine, briše se alineja 2.

Implementator općina Tešanj dužna je provesti sve aktivnosti preuzimanja okončanog projekta iz 2008. godine sa pravom uknjižbe u knjigovodstvenu evidenciju, te pristupiti daljem upravljanju i održavanju projekta iz člana 2. Odluke o prijenosu okončanih projekata iz Programa kapitalnih ulaganja u vodoprivredne objekte za 2008. godinu, broj: 02-14-26807/13 od 11.12.2013. godine.

Zadužuje se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima, realizuju predmetnu Odluku svako u okviru svoje nadležnosti.

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

#### **11. tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se odobrava isplata iznosa od 222.720 KM (slovima: dvijestotinedvadesetdvije hiljade sedamstotinadvadeset konvertibilnih maraka) uzgajivačima sa područja Zeničko-dobojskog kantona na ime podrške za držanje pčelinjih zajednica.

Odobrena sredstva iz tačke I ovog zaključka isplatiti će se iz Budžeta Zeničko-dobojskog kantona za 2013. godinu sa razdjela 23, budžetska organizacija 01, potrošačka jedinica 0001, ekonomski kod 614400, subanalitika NAD 402, pozicija "Subvencije za podsticaj razvoja u poljoprivrednoj proizvodnji".

Sredstva iz tačke I ovog Zaključka biti će isplaćena na transakcijske račune korisnika prema priloženom spisku sačinjenom na osnovu provjere ispunjenosti kriterija za dodjelu premija, koju je izvršila Uzgojno-seleksijska služba Ministarstva za poljoprivredu, šumarstvo i vodoprivredu.

Spisak uzgajivača od rednog broja 1. do 458., kojima je odobren iznos premije, sastavni je dio ovoga zaključka.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja

#### **12. tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se odobrava isplata otkupljivaču sa područja Zeničko-dobojskog kantona u ukupnom iznosu od 45.111,20 KM (slovima: četrdesetpethiljada stotinujedanaest i 20/100 konvertibilnih maraka) na ime isplate poticaja za otkup nekultivisanih šumskih plodova, bobičastog voća i nekultivisanih gljiva.

Odobrena sredstva iz tačke I ovog Zaključka isplatit će se iz Budžeta Zeničko-dobojskog kantona za 2014. godinu sa razdjela 23, budžetske organizacije 01, potrošačka jedinica 0001, ekonomski kod 614 400 NAD 402, pozicija "Subvencije za podsticaj razvoju u poljoprivrednoj proizvodnji".

Sredstva iz tačke I ovog Zaključka bit će isplaćena otkupljivaču nekultivisanih šumskih plodova, bobičastog voća i nekultivisanih gljiva na osnovu provjere ispunjenosti kriterija za dodjelu podrške, koju je izvršila Poljoprivredna stručna služba Ministarstva za poljoprivredu, šumarstvo i vodoprivredu.

Otkupljivaču nekultivisanih šumskih plodova, bobičastog voća i nekultivisanih gljiva kome je odobren iznos podrške je "FRUTTI-FUNGHI" export-import d.o.o iz Visokog, a isti će biti isplaćen na žiro račun Hypo Alpe-Adria bank, Visoko na broj računa 3060330000094674, za otkupljenu količinu od 112.778 kg sa podrškom od 0,40 KM/kg.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

### **13. tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Diskutovao je Premijer Zeničko-dobojskog kantona.

Vlada je jednoglasno uz izmjenu tehničke greške u tabeli (*malina-borovnica*) donijela Zaključak kojim se odobrava isplata proizvođačima borovnice sa području Zeničko-dobojskog kantona u ukupnom iznosu od 14.252,10 KM (slovima: četrnaesthiljadadvijestotinepedesetdvije i 10/100 konvertibilnih maraka) na ime isplate poticaja za proizvodnju borovnice.

Odobrena sredstva iz tačke I ovog Zaključka isplatit će se iz Budžeta Zeničko-dobojskog kantona za 2014. godinu sa razdjela 23, budžetske organizacije 01, potrošačka jedinica 0001, ekonomski kod 614 400 NAD 402, pozicija "Subvencije za podsticaj razvoju u poljoprivrednoj proizvodnji".

Sredstva iz tačke I ovog Zaključka bit će isplaćena prema priloženom spisku sačinjenom na osnovu provjere ispunjenosti kriterija za dodjelu podrške, koju je izvršila Poljoprivredna stručna služba Ministarstva za poljoprivredu, šumarstvo i vodoprivredu.

Spisak proizvođača borovnice od rednog broja 1. do 3. kojima je odobren iznos podrške sastavni je dio ovog zaključka.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonskim i pozakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

### **14. tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se prihvata mišljenje Ministarstva za rad, socijalnu politiku i izbjeglice da po predloženoj Inicijativi poslanice u Skupštini Zeničko-dobojskog kantona Meldine Ugarak, nema potrebe donositi Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona", broj: 13/07 i 13/11).

Stav Vlade Zeničko-dobojskog kantona iz tačke I ovog zaključka upućuje se Skupštini Zeničko-dobojskog kantona. Zaključak stupa na snagu danom donošenja.

### **15. tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se odobravaju Regionalnoj ekonomskoj zajednici REZ d.o.o. Zenica sredstva u iznosu od 10.000,00 KM (slovima: deset hiljada konvertibilnih maraka) za sufinansiranje projekta „Stručno osposobljavanje, priprema za rad i zapošljavanje obučara za potrebe Company D&U d.o.o. Visoko“, u skladu sa Sporazumom o partnerstvu potpisanim između: Vlada Zeničko-dobojskog kantona, Općina Visoko, Federalni zavod za zapošljavanje, USAID Sida GOLD Projekat, Company D&U d.o.o. Visoko i REZ d.o.o. Zenica, kao pomoć za stručno osposobljavanje i zapošljavanje 60 obučara.

Sredstva iz tačke I. ovog zaključka isplatit će se iz Budžeta Zeničko-dobojskog kantona za 2014. godinu („Službene novine Zeničko-dobojskog kantona” broj 15/13), razdjel 20, budžetska organizacija 01, potrošačka jedinica 0001, ekonomski kod 614200, pozicija Budžeta: „Poticaj zapošljavanja mladih“.

Navedena sredstva iz tačke I ovog zaključka isplatit će se na račun Regionalne ekonomske zajednice REZ d.o.o. Zenica na račun broj: 1610550004761277 otvoren kod Raiffeisen Bank d.d. BiH, filijala Zenica, ID broj: 4218426640007 sa naznakom Svrha uplate: „Sufinansiranje projekta - Stručno osposobljavanje, priprema za rad i zapošljavanje obučara za potrebe Company D&U d.o.o. Visoko“.

Zadužuju se Ministarstvo za rad, socijalnu politiku i izbjeglice i Ministarstvo finansija da u skladu sa zakonom i podzakonskim aktima, realizuju ovaj zaključak svako u okviru svojih nadležnosti. Zaključak stupa na snagu danom donošenja.

### **16. tačka dnevnog reda**

Obrazloženje za ovu tačku dnevnog reda dao je Muhamed Husić, ministar Ministarstva za privredu.

Diskutovali su Premijer Zeničko-dobojskog kantona i sekretar Vlade.

Vlada je jednoglasno donijela Zaključak kojim se usvaja Izvještaj o realizaciji Javnog poziva za prikupljanje zahtjeva za odobravanje i dodjelu finansijskih sredstava iz Federalnog fonda - pomoći namijenjenih saniranju dijela direktnih šteta od poplava. Izvještaj iz tačke I. sastavni je dio ovog zaključka. Zaključak stupa na snagu danom donošenja.

### **17. tačka dnevnog reda**

Obrazloženje za ovu tačku dnevnog reda dao je Munib Husejnagić, premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Udruženju građana dijabetičara Zeničko-dobojskog kantona iz Zenice, u iznosu od 2.000,00 KM (slovima: dvije hiljade konvertibilnih maraka) na ime finansijske pomoći za pokriće troškova redovnih aktivnosti.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2014. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija “Transfer neprofitnim organizacijama”.

Sredstva uplatiti na žiro-račun Udruženja građana dijabetičara Zeničko-dobojskog kantona iz Zenice broj: 134 010 0000 163 759, otvorenog kod Investiciono-komercijalne banke dd Zenica.

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Obavezuje se korisnik sredstava da Uredu premijera Zeničko-dobojskog kantona podnese izvještaj o utrošku sredstava u roku od 30 dana po utrošku sredstava. Zaključak stupa na snagu danom donošenja.



**18. tačka dnevnog reda**

Članovi Vlade su upoznati sa dostavljenim aktom pod ovom tačkom dnevnog reda.  
Diskutovali su Premijer Zeničko-dobojskog kantona i ministrica Ministarstva zdravstva.

Premijer je zaključio sjednicu u 11<sup>50</sup> sati.

**SEKRETAR VLADE**

*Berjana Ačkar*

**PREMIJER**

*Munib Husejnagić, dipl.ing.maš.*

**ZAPISNIČAR**

*Alma Hrnjić*